

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 10.10.2018թ. թիվ 1808651666 որոշումն անփոփոխ, իսկ վարչական բողոքն առանց բավարարման թողնելու մասին

<<27>> 10 2018թ. 17-13-113513-18/17-13-10769

ք.Երևան

«Ն ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Սուրեն Սաղաթելյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Զաքյան փողոցի 3-րդ շենքի 98-րդ բնակարանի բնակիչ Սուրեն Սաղաթելյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 10.10.2018թ. թիվ 1808651666 որոշումը՝ նշելով, որ համաձայն չէ իրավախախտման հետև և խնդրել է տրամադրել տեսանյութ :

Դիմումի քննարկման արդյունքում պարզվել է, որ դիմումատուի փաստարկը չի կարող վարչական ակտը վերանայելու հիմք հանդիսանալ հետևյալ պատճառաբանությամբ.

Հայաստանի Հանրապետությունում տեղադրված բոլոր արագաչափ սարքերը ստուգաչափված են Հայաստանի Հանրապետության տնտեսական զարգացման և ներդրումների նախարարության <<Չափագիտության ազգային ինստիտուտ>> ՓԲԸ-ի կողմից և դրանց արձանագրած արագությունը համապատասխանում է տրանսպորտային միջոցների փաստացի արագությանը:

<<Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> ՀՀ օրենքի 3-րդ հաղվածի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը:

Ճանապարհային ոստիկանության վարչական տույժ նշանակելու մասին 10.10.2018թ. թիվ 1808651666 որոշման հիմքում դրված լուսանկարի ուսումնասիրությամբ պարզվել է, որ չի կարող կասկածի տակ դրվել իրավախախտումը հենց դիմումատուին պատկանող տրանսպորտային միջոցով կատարելու փաստը, քանի որ դրանում նշված է իրավախախտում կատարած տրանսպորտային միջոցի երթևեկության ուղղությունն ու գոտին, որում պատկերված է միայն վերջինիս պատկանող տրանսպորտային միջոցը:

Ինչ վերաբերվում է դիմումատուի խնդրանքին, ապա արագաչափ սարքերով հայտնաբերված իրավախախտումների միակ ապացույցը հանդիսանում է լուսանկարը:

Ելնելով վերոգրյալից և ղեկավարվելով <<Վարչական իրավախախտումների վերաբերյալ>> ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 10.10.2018թ. թիվ 1808651666 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Սուրեն Սաղաթելյանին:



Ե.Կարապետյան